



Pou Piblikasyon Imedya: 28/09/2022

GOUVÈNÈ KATHY HOCHUL

**GOUVÈNÈ HOCHUL ANONSE DELEGASYON ETA NEW YORK LA PRAL
VWAYAJE PÒTORIKO POU EDE AK EVALYE EFÒ SEKOU YO NAN KAD SIKLÒN
FIONA A**

Sekretè Deta Robert Rodriguez pral dirije delegasyon an

Gouvènè Kathy Hochul te anonse jodi a manm nan administrasyon li an te pati jodi a pou Pòtoriko pou ede ak evalye efò sekou Siklòn Fiona, pandan zile a ap kontinye rekiperare apre tanpèt devastè a. Sa a se dènye nan yon seri mezi Gouvènè Hochul pran pou ede Pòtoriko nan rekonstriksyon ak rekiperasyon li.

"Pòtoriko te fè fas ak gwo domaj siklòn Fiona, epi kòm repons, Eta New York te mobilize pou sipòtè efò rekiperasyon yo", **Gouvènè Hochul te deklare.** "Mwen remèsyen manm yo nan administrasyon mwen an ki ap vwayaje jodi a nan Pòtoriko pou bay sipò dirèk sou plas pandan n ap kontinye analize domaj yo epi evalye ki asistans adisyonèl nou ka bay zile a".

Manm Delegasyon New York la te gen ladan:

- Sekretè Deta Robert Rodriguez
- Edgar Santana, Sekretè Adjwen Gouvènè a
- Sophia Zayas, Direktris Afè Latin
- Marcos Gonzalez Soler, Sekretè Adjwen pou Sekirite Piblik.

Sekretè Deta a, Robert J. Rodriguez, te deklare, "Lè katastwòf frape, New York te toujou pami premye moun ki te reponn epi ede sitwayen Pòtoriko yo nan moman bezwen yo. Mwen fyè dèské mwen fè pati delegasyon sa a epi pou m wè dirèkteman fason nou ka ede frè ak sè Pòtoriken nou yo rekiperare anba efè devastatè Siklòn Fiona a. Epi mwen remèsyen Gouvènè Hochul paske li rekonèt jan Pòtoriko enpòtan pou anpil Nouyòkè ki gen pwòch yo ki rete la".

Wikenn pase a, Gouvènè Hochul te anonse yon kontenjan [50 Ofisyen Lapolis Eta New York](#) te deplwaye nan Pòtoriko pou ede avèk efò sekou yo apre siklòn Fiona a.

Semèn pase a, Gouvènè a te anonse tou [nouvo aksyon](#) pou angaje endistri sèvis finansye New York la pou sipòtè rezidan Pòtoriko yo apre siklòn Fiona. Depatman Sèvis

Finansye a te pibliye gid ki ap mande bank ki gen yon kontra avèk Eta New York pou pran mezi pou kapab asiste konsomatè ak biznis yo sikelon nan te afekte, sa ki enkli elimine frè ATM ak frè reta yo, epi ogmante limit retrè ATM yo ak fasilitate ak akselere transmisyon fon yo. Aksyon sa yo pral ede soulaje fado finansye pou anpil Nouyòkè k ap chèche sipòte fanmi ak zanmi nan Pòtoriko, ansanm ak nenpòt moun ki nan Pòtoriko ki gen kont nan bank New York.

Gouvènè Hochul te patisipe tou nan yon [reyinyon enfòmasyon FEMA avèk Prezidan Biden](#) ak Gouvènè Pierluisi epi yon lòt fwa ankò te pwomèt tout sipò New York.

Depi Siklòn Maria, New York te ede Pòtoriko jwenn plizyè milya dola nan finansman federal nan men FEMA pou retabli ak rekonstrikti enèji zile a, anplis ke NYPA ap fè evalyasyon teknik santral elektrik ak sou-estasyon nan zile a. Apre siklòn Fiona, ki se pi move tanpèt ki te frape zile a depi apre siklòn Maria, Gouvènè Hochul te anonse [mezi Eta New York yo](#) pou ede Pòtoriko nan efò sekou yo. Efò sa yo ranfòse davantaj angajman long dat New York pou ede Pòtoriko nan rekonstriksyon ak rekiperasyon li.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418